

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Formido.

**urn:nbn:de:hbz:466:1-14259**

A Hoc enim est maleficum Serpentem, qui clam insidiis excubat, è latebris extrahere, extractumque interficere, interficium denique devorare.

## FUGACITAS. CAP. IV.

Fugitivum dubio procul hieroglyphice notare qui vellent, currentem Cervum describant. Ea vero fugacitas Cervo natura infinita. Hinc Lucretius: *Et fuga Cervis A patribus datur, & patriis pa-*  
*vor incitat artus.* Quam vero pedum alacritatem in Achille fuisse authores tradunt, ut ποδαρεῖν, καὶ Achilles  
*πόδας ἀντίς* passim ab Homero vocitur, sunt qui autument inde partum, quod ejus infantes sub *quare se*  
*diēus.* Chirone fuerit Cervorum medullis plurimum enutrita. Porro illum assecutum esse Cervos absque  
*Canibus, & retium insidiis,* Pindarus in Nemeis canit:

Kτίσοντ' ἐλάθος αὐτὸν κυνῶν, δυλιῶν θέρηντα.

Nam de agilitate Cervi superfluum est verba facere, cum scriptis omnium in primis celebretur, præcipue vero χαρ' ἔξοχῳ quandam, Laconum chorus, Aristophanica Lysistrate dicat, saltandum pe-  
*dibus est tanquam Cervus aliquis.* Sed quod de Achillis nutrimento & nomine positum est, Nazian-  
B zenus Achillem dicūt ait, quod sine cibo fuerit educatus: *χυλός enim cibus & fucus est ille vero*  
*crudis tantum ferarum artibus pasci fuerit auctus.* Sed & quod de Chironis institutione circum-  
fertur, mirum ab Homero nusquam hujus rei mentionem fieri, cum tamē Apollonius, & qui post  
Homerum fuerunt Poëtae plerique omnes educatum Achillem à Chirone tradant. Addam hic Tele-  
phum Herculis & Auges filium, quem Alæus Auges pater in Panthium montem exposuerat, à Cer-  
va educatum esse, ut apud Lycophronis interpretem habetur, quod & nomen ipsum ostendere vi-  
detur: Cervi quippe nutricatum significat.

## INTERQUIESCENS. CAP. V.

Quamvis autem cursum perniciissimum Ægyptii ex Cervi currentis specie intelligi monuissent,  
qua tamen is requiem inter currendum aliquam facit, consensus manet, dum qui sequi-  
tur appropinquet, tum fugam item arripit, factum est, ut hominem aliquam laboribus suis requiem  
interponentem significare si vellent, currentem quidem Cervum pingerent, sed retro spectantem,  
C cum in solius tantum fugacitatis significato caput surrectum statuerent, ut cornua per dorsum de-  
milia residerent. Ideo vero Cervus dum fugit interquiescere cogitur, quod tenui imbecilloque  
est intestino, quod leviter etiam percussum rumpi possit, cute adhuc integra permanente. Denique  
imbecillum adeo animal est Cervus, ut tactus ab aspalatho (ea est spina species) emoriatur. Verum  
hoc & alia de causa, & alio etiam potest modo pingi, quippe si tres pluresve Cervos natantes fe-  
ceris capitibus alterius clunibus impositis, atque eorum primum avertentem se quasi ad postre-  
num locum: quo quidem officio mutuo se adjuvant, cum ex Sicilio transferant in Calabriam per  
statem, pabuli gratia: idque plurimum iuxta urbem Rhegium, qui propterea quod onus capitum su-  
per aquas existans haud facilè sustinent, inter natandum singuli super anterioris lumbos caput im-  
ponunt: dux vero cum defessus est ad ultimum transit locum, atque ita mox aliis atque aliis labore  
cum quiete communicato, incolumes transeunt. Si cui tamen quod superius positum est hierogly-  
phicum magis placuerit, res in medio posita est.

## FORMIDO. CAP. VI.

D Stuporem præter hoc, formidinemque per Cervum & puniceas pennas prætentas significari o-  
mnibus innötuit, tam ex iis, qui Animalium historias conscripsere, quam ex Virgiliano carmine,  
qui Turnum attonito quodam pavore percussum Cervo æquiparat *punica septo formidine penna.* Li-  
bet vero loco hoc de pennis ad Cervorum formidinem excogitatis historiā enarrare, qua non tan-  
tum Virgilii carmen explicabit, verum etiam hieroglyphico huic argumento plurimum afferet clari-  
tatis. Narrabat mihi Jo. Antonius Pollio Geloum Princeps, Pontificii contuberñii mihi socius, stare *Cervorum*  
adhuc in Sicilia hanc venationis antiquæ rationem, quæ sic fieri soleat. Nobiles ubi renunciatiū fue-  
rit Cervorum greges usquam oberrare, alter alterum invitantes propere convenient, afferuntq; se. *antiqua*  
cum Scorpionem aut arcum singuli, & falciçulū virgarum, quæ omnes ferrea cuspidē præpilata sint:

L

quarum

quarum caput alterū in summo perforatum est, funiculo perpetuo per virgas singulas ea transmissa longitudo earum ad pedes quatuor, vel circa. Cum ad locum pervenere ubi Cervos congregatos norunt, late diffusi equites peditesque modum agri, quanto satis est ambitu, circumstunt, statio nemque unusquisque suam per intervalla certa suscipiunt. Hic fascem quisque suum explicat, primaque virga ad finitimi ultimam alligata, reliquas per decempedæ, circiter intervallum singulas terræ affigit: idem alter, idem alii faciunt, donec Cervos undecumque concludere. Virgis ita dispositis pennarum punicearum, quas in hunc usum magno numero fucatas habent, fasciculos licio suspensos ad traductum per virgas funiculum hic & illuc alligant, qui aura vel levissima impulsu varia jactatione moventur. Stationarii mox in proxima se quisque abdunt virgulta, sagittisque intentis exceptant taciti. Liciorum hoc sepum ingreditur eques tantum unus cum odoris equis Canibus, iisque non admodum magnis. Hunc venationis magistrum vocant. Is ubi gregem nactus est, sensim accedit, latratuque Catulorum tantum fretus, agmen incipit agitare: illi conserti omnes una fugam capessunt, at cum ad licia pennaq; illas peniles pervenere, subito pavefaci ulterius progrederi non audent, sed illarum motum & fulgorem declinantes ad laevam non procul flecent, & rutilantes fasciculos illos prospectantes, tanquam muro inclusi circumaguntur: subsequitur magister, nomine quemque vocans ex stationariis, prout unicuique fit proximus: atq; huic primum vel secundum, illi tertium aut quintum aut septimum ex libidine sua telo excipiendum destinat, futurum sagittario de decori & ignominia, nisi oblatum a magistro sauciarit, vel si alium quempiam quam nuncupatum appetierit. Magister ita agmen tamdiu circumagit quasi per pomaria progressus, donec ita præda omnis per omnium vices concidat exanimata. Haec sunt itaq; pennæ illæ, quarum formidine attoniti stupidive facti Cervi, ab alienato prorsus animo consternantur. Has enim non aliter pavet, quam Elephanti colorem album, Tauri phœnicum ac rubicundum, Tigres tympanorum sonitum, Ursi Leonesve mappam, amiculumve in caput injectum, de quo locis suis. Sed quod ad Cervum pertinet, dant hoc nonnulli animalis stoliditati, ingenitoque cuidam stupori, qui ei de re qualibet oriatur. Natura omnino sunt hi meticulosi, quia frigidiusculi. Philosophi enim animalia eo omnia formidine magis laborare tradunt, quo frigidiora sunt, idque quotidiano comprobatur experimento. Cervos vero esse frigidos, lacryma dulcis argumento est, quæ falsuginosa est Apis, qui magna pollent caliditate. Hinc sit, ut ille fugiat, hic hostem adoriat, proque viribus injuriam ulcisci pertentet. Sed cur non Lucretii Latini Philosophi, eaque de causa mihi sepius citandi, luculenta super hoc carmina recitemus?

*Quare Cer-  
vi sint me-  
ticulosi.*

*De rerum  
natura, l. 5.*

*Carm. lib. I.  
Od. 15.*

*At ventosa magis Cervorum frigida mens est,*

*Et gelidas citius par viscera concitat auras,*

*Quæ tremulum faciunt membris existere motum.*

Atque idem superius dixerat:

*Est & frigida multa comes formidinis aura,*

*Quæ cets horrorem membris, & concitat artus,*

Hujus rei doctrinam secutus Horatius ait:

*Quem tu Cervus uti vallis in altera*

*Visum parte Lupum, graminis immemor*

*Sublimi fugies mollis anhelitu.*

Et Græci ελαφον ἀνόητο omnino dixerunt, pro maxime formidoloso. Et Cleonymum taxat Ariosto. D. phanes timidissimum hominem, quem Nebula per figuram Cervi reserabat. Sedenim quod de animalis frigiditate Philosophi differunt, longe aliter apud Euthymium inveni, ut in subjecto habeatur hieroglyphico.

#### VEHEMENTIS APPETENTIA.

##### CAP. VII.

**V**ehementissimi enim desiderii signum esse Cervum ad aquæ fontem adspectantem, Divina indicant literæ, dumita canunt; *Quemadmodum sisibunda Cerva inbiat ad aquarum rivos, ita anhelat anima mea ad te, Deus.* Cerva enim suapte natura ita calida est, ajunt facri Interpretes, ut frigidissimis reptiliis carnibus mirifice relevetur; ideoque eas avidius appetit, quibus absumpsis natu-